

B. N. C.
FIRENZE
1125
23





1125-23



1125

23



A. M. D. G.
ASSERTIONES
THEOLOGICAE AT

Iuxtà Miram Angelici
Præceptoris Doctrinam,

Quas

In Collegio Romano Sancti Thomæ
Aquinatis publicè disputan-
das proponit .

FR. IOANNES DOMINICVS LEONIVS FLORENTINVS
Ord. Præd. in eodem Collegio, Collegialium minimus .



ROMAE, Apud Franciscum Caballum, 1650.

Superiorum Permissu.

A. M. D. G.

ASSERTIONES
THEOLOGICAE

Iuxta Miam Angelici

Interpretatione

Quis

In Collegio Romano Sancti Thomae

Admiris publice disputant.

das proponit.

EX IOHANNES DOMINICVS FLORIVS FLORENTINVS
Ord. Praedicatorum Collegii in ministerio.



1125.23

ROMAE, Apud Franciscum Caballum, 1625.

Expositione Francisci

De Prædestinatione, & Reprobatione.



Ominum Prædestinationem in Deo adstruendam esse, eamq; esse rationem transmissionis creaturæ rationalis in finem supernaturalem, ab æterno in mente Diuina existentem asserimus.

Quamquam verò ad Prædestinationem, tam intellectus, quam voluntatis actus necessario concurrant, haud tamen ex æquo actus uterq; concurrit, sed formaliter, & in directo constituitur tantum per actum intellectus, actu voluntatis solum connotatiuè importato.

Porro ex actibus intellectus, consistit in Imperio intellectus practici efficacem voluntatis electionem subsequente, & antecedente, ac dirigente executionem, & usum.

Ad prouidentiam comparatur quidem Prædestinatio ut pars; sed neq. est pars integralis, nec subiectiua, sed obiectiua dumtaxat, ita ut à Prouidentia naturali differat solummodo penè parziale, materiale obiectum.

Inter Prædestinationis effectus nequaquam de facto repugnanda est Prædestinati substantia, quamquam id de possibili non repugnet.

Ex accidentibus verò, ac circumstantijs ordinis naturalis, quædam effectum esse Prædestinationis imperatum, licet non omnia defendimus.

Permissio etiam peccati in electis, ut potè ad eorum Beatitudinem mediam humilitate, propriæq; infirmitatis recognitione conduens, est eorum Prædestinationis effectus.

Auxilia sufficientia electis præstita etiam si cum actuali operatione non coniungantur, quæ in electi memoriam, & Dei beneficium, & sui defectum reuocando, gratiarum actionem de accepto beneficio, ac dolorem de malo usu cau-

sant, ad finem conducunt Prædestinationis, proindeq. sunt Prædestinationis effectus.

9 Idemq. asserimus de Gratia interrupta per peccatum, quam etiam vt primo electis collatam, effectum esse Prædestinationis, defendimus.

10 Hoc tamen de Adami Gratia per primum peccatum interrupta, vt potè, & peccati permissionem, ac præuisionem, & Christi, ac nostram proindè Prædestinationem, antecedente, nequaquam intelligendum est.

11 Glorificatio demum electorum inter Prædestinationis effectus connumerari debet.

12 Hos autem omnes effectus causat Prædestinatio in diuerso genere causæ, prout diuersimodè accipitur: quatenus enim potentiam executiuam applicat, ad ponendum infallibiliter effectum effectiuè physicè concurrit ad ipsum. Quatenus verò habet regulare executionem concurrit per modum causæ formalis extrinsecæ. Et, quatenus tandem allocutiue mouet potentiam executiuam, concurrit directiuè effectiuè moraliter.

13 Ante quorumcumq. meritorum præuisionem datur in Deo absoluta voluntas dandi gloriam omnibus absque discrimine Prædestinatis.

14 Quæ quidem absoluta electio ad Gloriam ante meritorum præuisionem, ad determinatum etiam Gloriæ gradum, taxata fuit.

15 Primi Prædestinationis effectus, siuè primiauxilij supernaturalis gratiæ nequaquam meritoria sunt, opera naturalia gratiam præcedentia, (etiam si bona sint moraliter) nec de condigno, nec de congruo.

16 Nec similiter sunt ad tale gratiæ auxilium dispositio proxima, aut remota.

17 Imò inter opera naturalia, & gratiam intrinsecè supernaturalem, siuè excitantem, siuè iustificantem, siuè auxiliantem, nec ex statuta lege diuina, datur infallibilis connexio.

Nec

- 18 Nec tandem opera etiam supernaturalia, (præuisa, ut futura) meritoria esse possunt primi effectus Prædestinationis, siuè primæ gratiæ supernaturalis, à quâ in executione procedunt.
- 19 Nullus purus Homo potest alteri totam effectuum Prædestinationis seriem, nec de congruo promereri, nec de condigno.
- 20 Ex quo tamen perperam deducitur Sanctorum precibus Prædestinationem, non iuari.
- 21 Communis Catholicorum sententia est, Prædestinationem certò, & infallibiliter effectus suos, inferre.
- 22 Haud tamen in Deo ante voluntatis suæ decretum ponenda est scientia media, siuè scientia futurorum conditionatorum, ex qua huiusmodi Prædestinationis certitudo desumatur.
- 23 Nec similiter certitudo Prædestinationis, quæ non solum præscientiæ est, sed & causalitatis creatam arbitrij nostri libertatem, vlla ex parte lædit; sed pro Diuinæ sapientiæ suauitate, eam mirificè fouet, iuuat, ac perficit.
- 34 Quamquam autem multi sint à Deo vocati: aliquos tamen ab ipso reprobari, fatendum est.
- 25 Quæ quidem reprobatio, non in pura actus carentia consistit, sed actum positium importat, etiamsi adæquatè sumatur, tam scilicet, quò ad destinationem ad poenam, quam quò ad exclusionem à Regno, etiam per modum beneficii indebiti.
- 26 Consequenter ad ea, quæ de Prædestinatione supra diximus, etiam reprobationem in actu voluntatis consistere negamus, aut conflato ex actu intellectus, & voluntatis, sed in actu dumtaxat intellectus consistere defendimus.
- 27 Qui quidem actus, non iudicium est electionem præcedens, sed Imperium illam supponens.
- 28 Inter reprobationis effectus, æternæ poenæ inflictio, merito numeratur.

- 29 Idemq. de impœnitentia finali secundum quod auxiliorum denegationem ad poenitendum in fine vitæ importat, asserimus.
- 30 Permissio quoq. peccati, quod nunquam remittitur, & induratio, atq. excæcatio secundum, quod supponunt pro denegatione auxilij, sunt effectus reprobationis in reprobis.
- 31 Imò, & permissio peccati quo ad culpam, & quò ad poenam æternam remissi (si tamen non remittatur etiam, quo ad poenam temporalem) ad Gloriæ denegationem conducit, estq. effectus reprobationis in reprobis.
- 32 Nec etiam improbable reputamus asserere, esse etiam effectum Reprobationis in reprobis, permissionem peccati omninò remissi, quo ad poenam etiam temporalem.
- 33 Originalis verò lapsus permissio nequaquam Reprobationis effectus est.
- 34 Collatio auxiliorum sufficiētium respectu reproborum adultorum, semper effectus est reprobationis.
- 35 Respectu verò paruulorum ante rationis vsum decedentium, huiusmodi auxilia sufficientia quandoq. per reprobationem præparari sustinemus, quandoq. verò non.
- 36 Ex parte reprobi, nulla datur causa Reprobationis quatenus discretiua est reprobi à prædestinato, sed omnis ista discretio diuinam libertatem, diffundi debet.
- 37 Reprobationis tamen absolutè sumptæ causa est peccatum originale in illis, quibus remissum non est.
- 38 In illis autem, in quibus est abolitura, nulla alia causa remanet Reprobationis ex parte sui.
- 39 Inquirentibus demum, An Prædestinatorum numerus, reproborum collectionem excedat, multas vtraq. ex parte coniecturas, nullam verò certam determinationem, arbitramur posse asferri.

- 40 **E**ccati constitutum, non in pura negatione, vel priuatione, sed in aliquo positiuo consistere, probabilius esse arbitramur, & defendimus.
- 41 **O**mne peccatum ideò peccatum est, quia lege aliqua prohibetur.
- 42 Hæc autem lex peccata omnia prohibens, æterna Dei lex est, contra quam eo ipso peccatum est, quod est contra rectam rationem.
- 43 De intrinseca etiam ratione peccati est offensiuum, & iniuriosum esse Deo, ut ultimo finitam naturali, quam super naturali.
- 44 Omnia vitia, & peccata siuè contrarientur virtutibus acquisitis, siuè infusis, sunt contra naturam humanam, quatenus id tollunt, quod illi consonum est.
- 45 Quod quidem intelligendum asserimus, non solum de natura humana secundum partem rationalem acceptam, sed etiam si accipiat secundum partem sensibilem, non quidem secundum se sumptam, sed prout rationi obedire aptam.
- 46 Inter vitium, & virtutem acquisitam, vera datur contrarietas, atq. propria, secus autem inter vitium, & virtutem per se infusam.
- 47 Distinguuntur inter se specie peccata in ratione peccati, & mali moralis per ordinem, siue habitudinem ad obiecta.
- 48 Adæquatè diuiditur peccatum in carnale, & spirituale.
- 49 Causæ efficientis diuersitas specificam diuersitatem inter peccata causare nequit, hunc tamen diuersitas causæ finalis.


- 50 Essentialis, & adæquata est diuifio peccati in peccatum contra Deum, contra fe ipfum, & contra proximum.
- 51 Diuifio verò peccatorum fecundum reatum poteft quidem ad specificam diftinctionem conlequi, fed illam nec caufat, nec conftituit.
- 52 Commiffio, & omiffio licet in efle rei diftinguantur inter fe specificè; in efle tamen moris formaliter, & ex fe non caufant diftinctionem specificam, illam tamen non neceffario excludunt.
- 53 Nec leges fimiliter, aut præcepta caufant in peccatis specificam diftinctionem; nifi cum aliquid fub diuerfatione, aut motiuo præcipiunt.
- 54 Peccata cordis, o is, & operis non conftitunt diuerfa fpecie peccata, fed diuerfos gradus eiuſdem fpecie peccati: nifi accipiantur pro peccatis, quæ ex natura fua confumantur in diuerfis potentijs, vt hærefis, odium, & blaſphemia; fic enim diuerſitatem specificam importat hæc diuifio.
- 55 Peccata etiam, quæ differunt penes exceffum, & defectum eſſentialiter, & specificè diftinguuntur.
- 56 Ex peccatorum circumſtantijs, illæ dumtaxat specificam diftinctionem inducunt, quæ diuerfis ex motiuis attinguntur, ſecus verò, quæ ex eodem motiuo.
- 57 Nō eſt inter omnia vitia, & peccata neceſſaria connexio.
- 58 Atq. vt in connexa ſunt, & diſparata, ita & inæqualia; quod quidem verum habere aſſerimus etiam in peccatis lege poſitiua prohibitis, ſiue in eadem materia ſint, ſiue in diuerſa.
- 59 Grauitas accidentalis peccati ex circumſtantijs deſumpta, eſſentialem grauitatem ex obiecto prouenientem, quantumq. crefcat, ſuperare non poteſt.
- 60 Ex maiori dignitate virtutum, quibus opponuntur vitia, maior virtutem grauitas exurgit.
- 61 Idemq. de cauſa propria, & per ſe peccatis qualis eſt peccatis voluntas, aſſerimus.

62. Causa vero extrinseca si inclinēt, seu inducat voluntatem secundum suam naturam ad peccandum, gravitatem augeat peccati: si autem præter voluntatis inclinationem, eam fert ad peccatum, peccati gravitatem minuit.
63. Omnes peccatorum circumstantiæ peccatorum adaugent gravitatem, diversimodè tamen.
64. Quæ enim formalis motui rationem habent, non augent malitiam peccati intra latitudinem propriæ speciei; bene tamen illæ, quæ non se habent, ut monitum formale, sed tantum ratione obiecti principalis, appetuntur.
65. Nocuum intentum, atq; prævisum, vel (etiam si non prævisum) ut plurimum tamen consequens, peccati malitiam augeat: secus verò si raro, aut contingentè sequatur.
66. Ex parte etiam Personæ, in quam peccatur, aggravatur peccatum.
67. Ex parte verò peccantis, illorum peccatorum gravitatem, dignitas personæ adauget, quæ ex infirmitate naturæ humanæ, seu ex passione proveniunt, non verò illorum, qui procedunt ex electione, & deliberatione, seu malitia voluntatis.
68. Peccati subiectum est voluntas; aliarum verò à voluntate potentiarum actus, ut voluntatis dumtaxat imperio subdantur, mali esse possunt malitia formali non verò secundum se considerati.
69. In intellectu quædam peccata sūt peculiari ratione, quatenus in ordine ad proprium obiectum, consumantur in illo.
70. Nullorum peccatorum causa est Deus, nec de facto, nec de possibili.
71. Quod tamen intelligendum est solum de peccato formaliter, & quo ad malitiā considerato: esse enim peccatum, ut actio, & ens est, est à Deo tanquam à causa præmouente, & prædeterminante voluntatem creatam ad talem actum, ut actus est.

- 72 Induratio, & excæcatio peccatorum non est à Deo tanquam ab efficiente, vel mouente, aut excitante ad ipsam, sed solum permissiue vt à non impediēte duritiā, nec ea remouente, quibus impediretur.
- 73 Diabolus autem occasionaliter quidem, & indirectè omnium peccatorum causa est; nequaquam verò per se, & directè.

Ex Secunda Secundæ,

De Fide.

- 74  Idei obiectum, quod Deus est; cum quo tamen stat, vt multa etiam alia attingantur à fide, vt obiecta quæ, scilicet Christi Incarnatio, hominum redemptio, Sacramentorum Institutio, & plura huiusmodi.
- 75 Inter hæc autem solus Deus obiectum primum est, atq. specificum reliqua verò Secundaria, inter quæ principem obtinet locum Incarnatio.
- 76 Obiectum verò formale quo nec Deitas est, nec supremū Dei dominium, nec demum obscuritas, sed veritas prima.
- 77 Quæ quoniam diuersimodè accipi potest, obiectum formale, quò fidei nostræ asserimus esse veritatem primam non quidem in essendo, aut in cognoscendo, sed in dicendo tantum, seu in reuelando.
- 78 Ita vt neq. etiam confletur ex veritate in cognoscendo, & veritate in dicendo, sed priori omninò à formali conceptu exclusa, consistat solum, & præcise in veritate in dicendo, seu in diuina reuelatione.
- 79 Præter quam, neq. Ecclesiæ propositio, neq. Prædicatoris instructio est regula credendorum, in quam tanquam in formale motiuum, fiat vltima fidei resolutio.

Vtrumq.

- 80 Vtrumq. tamen regulariter, & connaturaliter requiritur ad fidem tanquam conditio.
- 81 Deus, cuius revelationi fidei nostræ infallibilitas inheret, nec de potentia ordinaria mentiri potest, nec de absoluta: nec per seipsum, nec per ministrum.
- 82 Ecclesia, quæ visibilis regula fidei est benè definitur: *est Congregatio fidelium baptizatorum sub Christo capite in Calis, & eius Vicario in terris.*
- 83 Membra autem Ecclesiæ, seu fideles, non soli iusti, & Sæcristi sunt, nec soli Prædestinati, sed omnes Baptismi characterè insigniti, fideique signaculum retinentes.
- 84 Quare neq. excommunicatos excludimus, neq. Schismaticos: Benè tamen hæreticos, & Cathecumenos.
- 85 Hæc igitur Ecclesia pro tota fidelium collectione accepta nullatenus in fidei negotijs definiendis, errare potest, aut à fide deficere.
- 86 Imò nec collectio Doctorum, & Prælatorum.
- 87 Ecclesiæ quoq. Supremus Pastor, & caput, Summus nimirum Pontifex est, errare non potest in rebus fidei, esto possit, hoc quæ particularis Persona est.
- 88 Fides, cum sit sperandarum substantia rerum, atq. argumentum non apparentium, omnem eulentiam, & visionem excludit.
- 89 Quare non potest de eodem obiecto dari fides, & Scientia in eodem subiecto, quamquam possit hoc esse, in diversis.

Ex Tertia Parte,

De Gratia Christi.



- 90 **G**ratiam habitualementem in Christi Anima ponendam esse, vt cerum defendimus.
- 91 Quæ quidem necessaria fuit, vt eius operationes supernaturales essent.
- 92 Virtutes per se infusæ (illis exceptis, quæ vnioni hypostaticæ, aut statui Beatifico repugnant) excellentissimè fuerunt in Anima Christi.
- 93 Idemq. de virtutibus moralibus acquisitis asserimus, eas proinde negantes per accidens fuisse Christo infusas.
- 94 Fides virtus Theologica nequaquam fuit, aut esse potuit in Christo.
- 95 Nec similiter spes, quæ virtus Theologica esset, licet alias quædam sperauerit, quæ nondum erat adeptus.
- 96 Dona autem Spiritus Sancti, seu perfectiones potentiarum Animæ, quibus aptæ sunt moueri à Spiritu Sancto, absolute ponenda sunt in Christo.
- 97 Ex quibus, donum etiam timoris fuisse in eo dicimus.
- 98 Gratia quoq. omnes gratis datæ eidem collatæ fuerunt
- 99 Quare prophetiam etiam in ipso defendimus adstruendam.
- 100 Gratia item plenitudinem fuisse in Christo asserimus tam intensiue, quàm extensiue.
- 101 Quæ quidem plenitudo Gratia ex parte gratia sumpta, propria est Christi, non autem ex parte subiecti, quatenus nimirum dicit excellentiam, & perfectionem gratia iuxta subiecti exigentiam.
- 102 Gratia vnionis in Christo, vnde quaq. infinita est: Gratia

verò habitualis in esse physico, & in quantum eos, in finitè simpliciter non est, sed tantum secundum quid; in esse autem morali, seu in quantum gratia, est simpliciter infinita.

103 Quare Christi gratia, nulla fieri potuit additio etiam in quantum ens est, si potentia Dei ordinaria spectetur, si autem de absoluta sit sermo, gratiam Christi physicè consideratam augeri potuisse, tuemur.

104 Unio naturarum in Christo gratiam habitualemente cedit, non quidem ordine temporis, sed naturæ, & intellectus.

105 Atque inter Gratiam unionis, & gratiam habitualemente datur connaturalis, & necessaria connexio, ita ut hæc ad illam sequatur, non tamen tanquam vera, & propria illius passio.

106 Talis vero connexio ista est inter utramque Gratiam, ut nullus mediauerit actus, quo se potuerit Christus ad gratiam habitualemente disponere.

107 Præter Gratiam unionis hypostaticæ, & gratiam habitualemente, datur etiam in Christo gratia capitis, qua scilicet Ecclesiæ caput, constituitur.

108 Et quidem per hanc gratiam caput hominum est, nedum, quoad Animas, sed etiam quoad corpora.

109 Subduntur autem homines Christo tanquam capiti non quidem secundum esse naturale præcise considerati, sed quatenus in ipsos dona gratiæ influit.

110 Damnatorum nullo modo Christus est caput: Infidelium verò caput est in potentia, sed non actu.

111 Cæterorum vero peccatorum, dummodo fidem retineant, absolutè Christus est caput.

112 Non solum autem Hominum caput est Christus, verum etiam Angelorum.

113 Gratia capitis in Christo essentialiter distinguitur à gratia unionis, quæ non ad operationem, vel influxum, sed ad esse Personale tribuitur: à gratia verò habituali non essentialiter.

sententialiter, sed ratione tantum distinguitur.

114 Esse caput Ecclesiæ proprium est Christi.

115 Diabolus caput est malorum.

116 Antichristus vero nec caput malorum est secundum ordinem temporis, nec secundum virtutem influendi: Est tamen caput quod ad militiæ perfectionem, seu plenitudinem.

Disputabuntur publicè Romæ in præfato
Collegio S. Thomæ Die 1. Ianuarij Anno
Iubilei 1650.

Satisfaciet obiectis idem F. Ioan. Dominicus Leo-
nius, qui supra.

B. S. B. 247

2

112523

1125.23





